

مدیر مرخص

الهامی صفا

اداره خانه

ایستانبول . جفال اوغلنده دائره اجتهاد

Adresse: Idjti had Constantinople

نومرو ۶۴ — ۲ مایس ۱۳۲۹

الاجتهاد

آبونه

سنه لك آلتی آیلق
تورکیا ایچین ۴۰ غروش ۲۵ غروش
ممالك اجنبیه ایچین ۱۰ فرانق ۶ فرانق

نسخه سی ۵۰ یارمیه

دوردنجی سنه

حریت فکریه یه خادم ، پنچشنبه کونلری چیقار ، اقتصادی ، اجتماعی ، ادبی مجموعه

شیمدی اصل مسئله، تجددمزك ايلك تمل طاشی بودر. صمیمی اچیق صورتده مسئله میدانہ قونیلہرق، حقائق مسروده قبول ایدیلوب ایدلمدیکی اعتراف اولنلیدر. بوکا قارشو کوستریلان تغند بوملك ودولتی تلافیسی نا قابل نه کی فلاکتله اوغراتدیغی میداندهدر.

بوتغند دوام ایده جکمیدر؟ ایتیه جکسه، محیط روح، زمین تفکر و محاکمه و اجتہاد دکشدریلہرق تعیرات کندی معنای حقیقیریلہ استعمال و معاملات اکا کوره جریان ایتدریلہرق طرفینک امنیت کاملہ حاصل ایتسنہ سعی واعتنا اولنوب جدآ اتحاد عثمانیہ وجود ویرمه لی ز، یاراتمالی یز. عجباً بوممكن دکلیدر؟

«آزادامارد» غزته سی محررلرندن

ه. ه. ه.

حرفلرمز

بومسئله یاقینلرده ینہ میدانہ چیقیدی. مناقشاتہ دوام ایدیلور. فقط بنم صبرم توکنیدی. آرتق بوایشه بر نتیجه ویرمک زمانی گلدیکی ظن ایدیورم. حروفاتک اصلاحی کیفیتی حسی دکل بلکه فی اولدیفندن اونی ممکن مرتبه بی طرف اولہرق تدقیق ایتک وقراریده بر محاکمه ساله نک امرایده جکی بر صورتده ویرمک طرفداریم. اولاحروفاتمزی اصلاح ایتک الزمدر. بونک ایچون ژاپونلرک حروفاتک گوجلکنہ رغماً ترقی ایتدکلرینی مثال گتیرمک بر آژگولونج. برملتک ترقیسندہ عجباحروفات یگانہ علاقہ دار، یگانہ حاکم مطلق می؟ عائله حیاتی یاپان آبی اولادلر یتیشدیرن حروفاتمی، قدینلرمی؟. مملکتندہ وطنپرورلکی معنای حقیقیسندہ استعمال ایتدیرن حروفاتمی، حکومتی؟ صانکه ژاپونیا برماهیت، حروفاتیده اونلرک سلاحی ایش گبی اداره کلام ایدیورز. برده کیم ادعا ایدہ بیلیرکه ژاپونلرک حروفاتی ده سادہ اولسه ایدی ده متری اولیه جقلردی.

اجتماعیہ عثمانیہ نک دخی ماهیت و صورت تشکلی حال واقع دأرہ سندہ تسلیم اولندیغی تقدیرده تشویشده بر اقلمش اولان مقصد تجددمزك تعیین و توصیفی قولای اولور.

مادامکه دولت بر هیئت اجتماعیہ عثمانیہ مختلف الحس ملتدن متشکلدر، — هیئت اجتماعیہ عثمانیہ نک تجددم حیاتی دینلان غایه و مقصد انجق او هیئتک هیئت عمومیه سنک یعنی اقسام واجزاسنک تجددم حیاتیله حاصل اوله بیلور. بونلردن ولور جزؤینک دوچار مرض اولسی ویا مرضک تداوی اولنماسی، تجددم حیات ایتماسی بوتون وجودک، هیئت عمومیه نک مبتلای مرض اولسنہ سبب ویتجددم حیاته مانع اولور.

بناء علیه تجددم عثمانی دن مراد و مقصد، تجددم اسلام ویا ترک معناسندہ قالیہرق هر برمزك، هیمزك تجددم وسلامت و ترقیسیله هیئت عمومیه مزك تعالیسنہ عزم ایتک وجوبی حاصل اولور. بو وجوب دخی تسلیم اولندیغی تقدیرده ارتق وصول مقصدہ خادم اوله جق اسباب ووسائطک تأمل و تحری واستحصالی یالکز بر طرفه عائد بر وظیفه و حقوق اولسنک ذهابی قالدہرق هیمزك، هیئت عمومیه بی تشکیل ایدن هر ملتک منفرداً و مجتمعاً وظیفه و حقوق بولندیغنه اعتقاد کاملی قبلرده حاصل اولور. بو قناعت و اعتقاد دخی وجود بولدقده ارتق ملت اسلامیہ، ملت عثمانیہ تعیری ومبهم فکرلر رفع ایدیلہرق یرینہ دولت، هیئت اجتماعیہ عثمانیہ، وانی تشکیل ایدن ملل مختلفه نک اسماء مشترکه و منفردہ سی بحق قائم اولور، اکا کوره طرز و زمین ملاحظه، محاکمه، تفکر و محیط فکر دکیشیلور.

اشته یالکز او وقتدرکه دوشدیکمز کردابلردن، فورتونالردن، فلاکتلردن قورتیلوب ساحل سلامتی بوله جق خط حرکتیزی تعیین ایدہ بیلہ جکمز، تصادف ایدہ جکمز هر نوع مشکلات و مواقعی رفع وازاله ایدہ بیلہ جکمز قطعاً آمین اوله بیلورز.

عصر لړك پانوراماسی

— مابعد —

شدتلی برخیه، نسبتسز یرتقن، صوك درجه یه وار ان
مبالغه ذوق، بو حكا به لړك وضوحیني تمامیه افساد وافنا
ایتمشدر .

آریاسلر تاریخی استخفاف ای دیورلر : اولره کوره
حیات سریع بیررؤیا ، بی قرار بیر خیالک قاجیحی بیرسرانی
اولدوغندن اونی متین ومجرد بیر خاطره ایله تثبیت ایتمک
ایسته میورلر . اولرک تاریخ وقایعی، بیکلرجه ومیلیونلرجه
سنه لری ونامحدود دورلری احتوا ایدهرک ، مبهم بیرسیر
ایله تصادفات ایچنده غائب اولویور . حار بیر طبیعتک
شعشعہ سی ایچنده وواسع اورمانلر آره سنده منفرد قالان
بو قوم پک ایرکندن تخیل واستغراقی اوکرندی . کائناته
قارشى انسانک ضعف وعجزینی، جهانی اداره ایدن قوتلرک
عظمت وجسامتی آلتنده جماعتلرک هیچلکنی حس ایندیله ،
اویقو واستغراق ایچنده اویوشدیلر . حیاتلری همان همان
بیرصورت غیر مدرکده سیر ایندیکی صره ده تفکرلری
خارقه نما ولطیف خیالات ایله مشغول، مشبوع اولویوردی .

رنکین وزنکین بیرلسانه مالک اولان وپک آریز زمان
ایچنده مکملیه یاقین بیرترقیه صعود ایدن هندک آریاسلری
بزه مفصل پیروادیات بر اقدیلر . بوسایده توارخ مثبتہ نک
عدمه رغما ، ادوار ابتدائیه دن بری محافظه ایدیلن حالت
مدنیہ لری ، قوتلی بیر اورپژینالیه (نوعی شخصه منحصر
« تفرد ») دن وحالازی درین بیرتهیجه سوق ایدن بویوک
بیرتصوفدن عبارت اعتقاداتی بیلیورز : نامتناهیک حسی ،
غمناک وسعتیه ، بوقومده تولد ایتمشدر .

فاملیالر وعشیرتله صورتنده وسیار یاشادیقلملری زمان
آریاسلرک ایلک دینی آتیشه وکونشه تعبددن عبارتدی .

معلم دهر

بگا اویله گلیورکه معارف نظارتک اسکی رولک
فجاعتی ادراک ایتمک ووظیفه سی باشنه گچمک زمانی
گلمش دکل گچمشدر . نظارتک حکومت وملت نامنه
پایه جنی اصلاحاتک اساسی حروفاتک وصوکراده بالطبع
لسانک اصلاحی اولمیدر . مثلا نظارت بر فدارلق ایدهرک
پک چوق مقدارده لاتین حروفاتیه لسانمزی اوکرته جک
کتابلردن باصدیروب گاه اوجوز گاه باد هوا اوله رق اونلری
بوتون اهالی یه طاغیتیر . هرکسه بولسانی مکمل صورتده
اوکرته تمک ایچون برویا ایکی سنه مساعده ویرر تدارکات
بیتدکن صوکر ابرگون بویوک احتفالاته بردنبره لسانک
طرز تحریری تبدیل ایدیلر . بواننده برطام یولسلر لقلر
اولا جقدر . فقط میلیونلرجه اهالی ایلیکی مدرک اولمازیا .
بعضیلری ده شدتله ، جبرایله راه حقه صوقق ایجاب
ایدر . اونک ایچوندرکه وظیفه سی یامامقله اتام اولونمقده
بولنان حکومت بویله مبجل اصلاحاتی درحال درعهده
ایتمیدر .

ازمیر : علی نادر

هامش : اصلاح حروف مسئله سی تدقیق ایتمک
اوزره بر جمعیتک تشکیلی آرزو ایدنلر وار . بوجعیه یه
شخصلرینه حرمتاً بویوک قوماندانلریمز ، اغنیاهمز، اسکی
مأموریمز تعیین اولونه جقسه موفقیته صفر اولور . حروفات
ایشندن آکلایه جقلر اونکله مشغول اولانلردر . برده
بوجعیت یالکڑ مناقشه یه مأمور اولور ، صلاحیته مالک
بولونمازسه هیچ برایش گوره مز . هر حالده نقطه نظر مده
نا تم . معارف نظارتی تشنه تجدیدکنج معلملردن وطوپرا غمزک
دیگر اذ کیاسندن استفاده ایتمیدر .

ع . ن